



01-346

Në bazë të nenit 21 të Ligjit për Planifikimin Hapësinor Nr. 04/L-174 dt. 23.08.2013, nenit 18 të Ligjit për Ndërtim Nr.04/L-110 dt. 31.05.2012; nenit 21 dhe 44 të Ligjit për Procedurën e Përgjithshme Administrative Nr.05/L-03 dt. 21.06.2016; nenit 17, pika “d” të Ligjit për Vetëqeverisjen Lokale Nr. 03/L-040 dt. 20.02.2008; nenit 15 pika “d” e Statutit të Komunës Prishtinës Nr.110-391 dt. 25.02.2010; Udhëzimit Administrativ të MMPH-së Nr. 06/2017 dt. 23.05.2017 për caktimin e procedurave për përgatitjen dhe shqyrtimin e kërkesave për kushte ndërtimore, leje ndërtimore dhe leje rrënimi për kategorinë e I-rë dhe II-të të ndërtimeve, dhe në bazë të kërkesës 05 nr. 350/02-50865/19 dt. 05.03.2019 të aplikuesit **Festim (Isat) Muli** nga Prishtina, rr. “Agim Qela” p.nr. për caktimin e kushteve ndërtimore për hartimin e dokumentacionit ndërtimor/projektit ideor, për ndërtimin e shtëpisë individuale të banimit në fsh. Çagllavicë, Drejtoria e Urbanizmit e Komunës së Prishtinës, në procedurë administrative, me dt. 15.04.2019, merr këtë

V E N D I M PËR CAKTIMIN E KUSHTEVE NDËRTIMORE

I. I Caktohen kushtet ndërtimore pronarit **Festim (Isat) Muli** nga Prishtina, rr. “Agim Qela” p.nr. sipas kërkesës 05 nr. 350/02-50865/19 dt. 05.03.2019, për hartimin e dokumentacionit ndërtimor/projektit ideor, për ndërtimin e shtëpisë individuale të banimit me etazhitet P+1 në kuadër të PZHU, në një pjesë të ngastrës nr.125-2, të regjistruar në certifikatën e njësisë kadastrale P-71914075-00125-2 ZK Çagllavicë.

II. Lokacioni i parcelës kadastrale të lartcekur, për të cilin caktohen këto kushte ndërtimore, sipas dokumenteve të planifikimit hapësinor, përfshihet në kuadër të “Planit Zhvillimor Urban”, të miratuar me Vendimin e Kuvendit të Komunës së Prishtinës 01 nr. 035-181427 dt. 24.09.2013, dhe sipas këtij plani, destinimi i kësaj zone është “*ndërtim individual*”. Pronari me “Informim nga Plani Zhvillimor Urban” online me referencë nr. 2093 dt. 01.03.2019 të lëshuar nga Drejtoria e Planifikimit Strategjik dhe Zhvillimit të Qëndrueshëm të Komunës së Prishtinës, është informuar me kriteret, parametrat urban dhe kushtet e ndërtimit për këtë lokacion.

III. Gjendja ekzistuese e lokacionit - parcelës kadastrale të trajtuar, sipas gjendjes kadastrale, faktike dhe dokumenteve të planifikimit hapësinor, është:

- Numri, sipërfaqja, pronari dhe klasa e kualitetit të parcelës kadastrale, janë: parcela nr.125-2 ZK Çagllavicë; sipërfaqja e parcelës është S=400,0 m²; Pronar: Festim Muli; Kultura: arë e klasës 2;
- Në kuadër të parcelës së propozuar nuk ka ndërtesa të ndërtuara;
- Është tokë urbane, me infrastrukturë: rrugë, ujësjellës, kanalizim, elektrikë, etj;
- Terreni është i rrafshët;
- Qasja në këtë parcelë realizohet përmes rrugës ekzistuese, të shtruar me kubëza;
- Në diametër prej 50 m' ka ndërtesa ekzistuese të ndërtuara me destinim banimor.

IV. Kushtet ndërtimore për hartimin e dokumentacionit ndërtimor / projektit ideor, për rregullimin e hapësirës dhe realizimin–ndërtimin e të dy shtëpive individuale të banimit, në kuadër të PZHU-së, në Prishtinë, bazuar në parametrat urban të planit, janë:

- Organizimi me qasje në kuadër të parcelës kadastrale, pozicionimi, gabariti dhe etazhiteti i ndërtesës, në raport me vijën rregulluese dhe atë ndërtimore, distanca e ndërtesës nga kufiri i parcelave, si dhe kushtet tjera për rregullimin e hapësirës, të jenë në tërësi sipas prezantimit grafik



- të përshkruar në Planin e lokacionit - “zgjidhja urbane”, bashkëngjitur këtij Vendimi për caktimin e kushteve ndërtimore;
- Destinimi i shfrytëzimit të ndërtesës, sipas PZHU-së dhe sipas projektit të prezantuar është “banim individual”;
 - Koeficienti i shfrytëzimit maksimal të parcelës ndërtimore - brenda vijës rregulluese (ISHP), për vendosjen e ndërtesës në bazë-gabarit të përdhësës ose suterren, është max. 20-30 % të parcelës;
 - Indeksi i sipërfaqes së përgjithshme ndërtimore të parcelës të jetë 0.6 - 0.8;
 - Etazhiteti maksimal i lejuar sipas PZHU është I - III, kurse i propozuar dhe i miratuar është S+P+1;
 - Distancat e ndërtesës nga kufijtë e parcelave fqinje duhet të jenë 0.50 - 0.75 e lartësisë së ndërtesës, ndërsa në mes të ndërtesave, largësia duhet të jetë deri 1.5 H;
 - Bazuar në nenin III. të Vendimit të Kryetarit të Komunës së Prishtinës dt. 14.08.2016, me nr. 01 - 031-185481, për shkaqe të shfrytëzimit eficient të energjisë, sipërfaqja që zë shtresa e "termoizolimit", nuk përfshihet në kalkulimin e sipërfaqes së përgjithshme ndërtimore e as në kalkulimin për taksë të lejes ndërtimore;
 - Qasja në këto parcela të realizohet nga rruga ekzistuese “Drini i Bardhë”, siç është paraqitur në Planin e situacionit - “zgjidhja urbane” e parcelës;
 - Për të dy shtëpitë individuale të banimit, duhet të sigurohet së paku nga 1 (një) vendparkim për një njësi banimi;
 - Në kuadër të parcelave të parashihe hapësirat për vendosjen e mbeturinave;
 - Arkitektura/dukja e jashtme (fasada) e ndërtesave dhe materializimi i tyre, të jetë me materiale bashkëkohore dhe me masa të efijencës së energjisë, dhe t’i përshtatet destinimit të ndërtesave të planifikuara;
 - Zgjidhja e kulmit duhet të projektohet dhe të ekzekutohet ashtu që të jetë në harmoni me projektin arkitektonik, ndërsa uji i strehëve duhet të derdhet brenda parcelës ndërtimore.

V. Para aplikimit për leje ndërtimore, duhet të plotësohen këto kritere:

- Të bëhet ndarja e parcelës kadastrale nr. 125-2 ZK Çagllavicë në 2 (dy) parcela të reja, sipas zgjidhjes urbane të prezantuar për kushte ndërtimore, dhe sipas manualit për bashkim dhe ndarje të parcelave, të punuara nga gjeodeti i licencuar (në manual të trajtohet edhe sipërfaqja e pjesës së parcelës e destinuar për rrugën e planifikuar, me distancën e cila duhet të ketë min. 4.0 m' nga aksi i rrugës).
- Të mirret pëlqimi nga pronari i pjesës së mbetur të parcelës amë, për ndërtim të shtëpisë në kufi me parcelën për të cilën po lëshohen këto kushte ndërtimore.
- Të mirren pëlqimet nga pronarët e të gjitha parcelave kadastrale të cilat me nga një pjesë të tyre shfrytëzohen si rrugë (parcelat nr. 126-9, 126-1, 125-4, 125-14, 1951-0, etj), për t’u lidhur me rrugën publike.

VI. Kyçja në infrastrukturë - marrja e pëlqimeve nga KEDS-i dhe KUR “Prishtina”, bëhet me aplikim nga kjo drejtori. Për aplikim nevojitet prezantimi i dokumentacionit, me përcaktim të vendeve për kyçje në rrjetet përkatëse, dorëzuar veçantë në CD, me përmbajtje si në vijim:

- Emri (emri i prindit) mbiemri i aplikuesit, numri i identifikimit dhe adresa;
- Informatën mbi lokacionin/adresa e saktë e hapësirës ndërtuese;
- Kopjen e planit dhe certifikatën e njësisë kadastrale;
- Planin e situacionit (dispozita urbanistike e cila është pjesë përbërëse e kushteve ndërtimore) dhe pamjen në ortofoto të lokacionit me hapësirën ndërtuese;
- Përshkrimin teknik të objektit (destinimi dhe kapaciteti i nevojshëm për elektrike dhe ujë).

Kyçja në infrastrukturë për ngrohje qendrore të bëhet në rrjetin ekzistues, pas sigurimit paraprak të kushteve detale dhe pëlqimit për kyçje nga “Termokos” - Ngrohtorja e Qytetit Sh.A. dhe PTK.

VII. Dokumentacioni ndërtimor - projekti ideor, të hartohet nga ekipi me përgatitje të lartë profesionale dhe me kualifikime përkatëse për secilën fazë të projektit, duke u bazuar në kushtet ndërtimore të caktuara në pikën IV, projekt propozimin e prezantuar, normat teknike për siguri nga zjarri, si dhe normat dhe standardet tjera për projektim të kësaj kategorie të ndërtesave, të dorëzohet në tre (3) kopje të shtypura, dhe një (1) digjitale, dhe të përmbajë:

- Lokacionin e parcelës ndërtimore në kuadër të zonës;
- Planin e situacionit të gjerë, në diametër prej 50m', me ndërtesat ekzistuese dhe të planifikuara, në përpjesë 1:500 apo 1:1000, punuar në bazë të incizimit gjeodezik të parcelës ndërtimore me rrethinë, si dhe me pozicionim të ndërtesës së projektuar dhe infrastrukturës rrugore, në sistemin koordinativ KOSOVAREF 01;
- Planin e situacionit të parcelës, në përpjesë 1:200 ose 1:500, me dimensione të shënuara, horizontale dhe vertikale - kuota të lartësisë dhe me pozicionim të ndërtesës në sistemin koordinativ KosovaREF01, duke përfshirë edhe kuotat vertikale të pllatove, trotuareve, rrugëve dhe hyrjeve në përdhese, me kuota të shënuara, relative dhe absolute;
- Të gjitha bazat, prerjet dhe dukjet e fasadave, në përpjesë 1:100, për ndërtesën e projektuar, duke përfshirë edhe kuotat vertikale të hyrjeve në përdhese dhe etazheve tjera, me kuota të shënuara, relative dhe absolute;
- Dukja e jashtme e ndërtimit, tredimensionale - perspektivë;
- Planin me vendin e qasjes në ujësjellës dhe kanalizim, në përpjesë 1:100;
- Planin me vendin e qasjes në furnizim me energji elektrike në përpjesë 1:100;
- Përshkrimin teknik të punëve ndërtimore;
- Paramasën dhe paralogarinë e punëve ndërtimore dhe ndërtimore zejtare;
- Detajet karakteristike dhe të nevojshme, në përpjesë 1:5, 1:10 apo 1:20;
- Situacionin me përshkrimin teknik të "Organizimi dhe masat e sigurisë në vendndërtim";
- Masat propozuese për fizikën ndërtimore dhe atë të mbrojtjes nga zhurma, me analiza dhe masa konkrete;
- Deklaratën e projektuesit për fazat e nevojshme, se projekti është i zbatueshëm.

VIII. Paguesa e kompensimit për ndërrimin e destinimit të tokës bujqësore - meqenëse parcela kadastrale, është e evidentuar me lloj të shfrytëzimit të parcelës si tokë bujqësore "arë e klasës 2", kërkohet që paraprakisht të bëhet pagesa e kompensimit për ndërrimin e destinimit të tokës bujqësore në tokë ndërtimore, në Drejtorinë e Kadastrit, konform nenit 11, 13 & 14 të Ligjit nr. 02/L-26 për Tokën Bujqësore dhe nenit 8, 9 dhe 14 të Udhëzimit Administrativ të MBPZHR Nr. 41/2006, që e rregullojnë këtë fushë. Sipërfaqja e tokës bujqësore, të cilës do t'i ndërrohet destinimi, është S=200 m². Kjo sipërfaqe do të regjistrohet si tokë ndërtimore në regjistrat kadastral, pas realizimit të pagesës së kompensimit për ndërrimin e destinimit të tokës bujqësore, ndërsa kompensimi do të realizohet në fazën e zhvillimit të procedurës administrative për marrjen e lejes ndërtimore.

IX. Marrëveshja për infrastrukturë - bazuar në nenin 23 të Ligjit Nr. 04/L-110 për Ndërtim, dhe nenin 10 dhe 11 të "Rregullores mbi Taksën administrative për dhënien e lejes së ndërtimit dhe Tarifën për rregullimin e infrastrukturës" 01 nr. 434/01-0094474/17 dt. 24.04.2017, obligohet Drejtoria e Investimeve Kapitale dhe Menaxhimit të Kontratave e Komunës së Prishtinës, të vlerësojë një ngarkesë për të rimbursuar koston për krijimin, përmirësimin, zgjerimin apo riparimin e infrastrukturës, dhe të arrijë marrëveshje për infrastrukturë me pronarin / investitorin.

- Me aplikacionin për leje ndërtimore, të dorëzohet dokumentacioni i nevojshëm në dosje të veçantë, i cili përmes aktit përcjellës do të procedohet në kompetencë të Drejtorisë së Investimeve Kapitale dhe Menaxhimit të Kontratave të Komunës së Prishtinës, për arritjen e kësaj marrëveshjeje.



Dokumentacioni i përgatitur duhet të përmbajë:

- Dëshminë mbi pronësinë për parcelën kadastrale/certifikatën e njësisë kadastrale dhe kopjen e planit (kopje);
- Vendimin për caktimin e kushteve ndërtimore, së bashku me situacionin e miratuar, të lëshuar nga kjo drejtori;
- Certifikatën e regjistrimit të biznesit të kompanisë investuese;
- Kontratën për bashkinvestim (nëse është prezantuar në kërkesën për leje ndërtimore);
- Autorizimin për përfaqësim (nëse është prezantuar në kërkesën e lejes ndërtimore);
- Kopjen e letërnjoftimit të kërkuarit/ve (bashkëpronarëve të parcelës/ave dhe investitorit).

X. Pagesa e taksës administrative për dhënien e lejes së ndërtimit dhe tarifa për ndikimet nga rritja e densitetit të infrastrukturës, do të realizohet sipas “Rregullores mbi Taksën Administrative për dhënjen e lejes së ndërtimit dhe Tarifën për rregullimin e infrastrukturës” 01 Nr. 434/01 - 0094474/17 dt. 24.04.2017 dhe duke u bazuar në dokumentacionin ndërtimor/projektin ideor, si pjesë përbërëse e kërkesës për leje ndërtimore. Pagesa e taksës dhe tarifës, sipas këtij paragrafi, do të realizohet sipas afatit kohor të përcaktuar në paragrafin 4 të nenit 16 të UA të MMPH-së Nr. 06/2017 dt. 23.05.2017, pas marrjes së konfirmimit për pagesë.

XI. Vlefshmëria e vendimit për caktimin e kushteve ndërtimore do të jetë një (1) vit, me mundësi të vazhdimit për një (1) vit tjetër, në rastet kur nuk ka ndërruar gjendja ekzistuese apo dokumenti i planifikimit hapësinor, dhe me aplikim para skadimit të afatit të vlefshmërisë.

A r s y e t i m

Aplikuesi **Festim Muli** nga Prishtina, rr. “Agim Qela” p.nr. me kërkesën 05 nr. 350/02-50865/19 dt. 05.03.2019, ka kërkuar nga Drejtoria e Urbanizmit e Komunës së Prishtinës, caktimin e kushteve ndërtimore për hartimin e dokumentacionit ndërtimor - projektit ideor, për ndërtimin e shtëpisë individuale të banimit, me etazhitet P+1, në lokacionin e përshkruar në paragrafin I. të dispozitivit të vendimit për caktimin e kushteve ndërtimore.

Me kërkesë, pronari ka prezantuar dokumentacionin, si në vijim:

- Dëshminë mbi pronësinë e parcelës kadastrale nr. 125-2 të regjistruar në certifikatën e njësisë kadastrale P-71914075-00125-2 ZK Çagllavicë, të vërtetuar te noterë Sevdije S. Krasniqi LRP. Nr.rendor 1192/2019 dt. 05.03.2019;
- Informimin online nga Plani Zhvillimor Urban, me referencë nr. 2093 dt. 01.03.2019 të lëshuar nga Drejtoria e Planifikimit Strategjik dhe Zhvillimit të Qëndrueshëm të Komunës së Prishtinës;
- Incizimin gjeodezik, punuar nga gjeodeti Muzafer Mustafa nga Prishtina, me licencë nr. 09 dt. 27.03.2014, me fotografitë nga tereni;
- Projektin ideor për ndërtesën në fjalë, të hartuar nga N.T.P. “Pro Joni” me Nr. biznesit 70378781, nga Prishtina;
- Vërtetimin mbi obligimet tatimore nr. 19839/19 dt. 28.01.2019 lëshuar nga Drejtoria e Financave;
- Fotokopje e letërnjoftimit.

Drejtorja e Urbanizmit e Komunës së Prishtinës, pas shqyrtimit të kërkesës 05 nr. 350/02-45008/19 dt. 26.02.2019, dokumentacionit të prezantuar me prova të bashkangjitura, konsultimit të dokumenteve të planifikimit për hapësirën ku gjendet lokacioni i PZHU- së, rregullativës ligjore në fuqi nga lëmi i planifikimit, ndërtimit dhe procedurës së përgjithshme administrative, si dhe projektit konceptual të prezantuar, konstatoi se ky projekt është në harmoni me UA të MMPH-së Nr. 06/2017 dt. 23.05.2017, me kriteret e PZHU-së për atë hapësirë, andaj kjo drejtori, bazuar në nenin 13, pika 1.2 të UA të MMPH-së Nr. 06/2017 dt. 23.05.2017, ka vendosur “Njoftimin Publik” me datë 20.03.2019.

Ky njoftim, sipas rregullativës ligjore, ka qëndruar pesë (5) ditë në lokacionin në fjalë, dhe meqë ndërkohë kjo drejtori nuk ka pranuar ndonjë vërejtje apo sygjerim, është vazhduar me procedurën për caktimin e kushteve ndërtimore.

Në procedurë të shqyrtimit të kësaj kërkesë, me dt. 20.03.2019 në zyret e kësaj drejtorie, me pronarin është mbajtur procesverbali me ç'rast është kërkuar nga ai që të bëjë plotësimin e dokumentacionit, të sjellë incizimin gjeodezik me riparcelimin e parcelës nr.125-2 ZK Çagllavicë me propozimin për ndarjen e saj në dy parcela të reja, të cilat ai i ka sjellë me shkresën nr. 05-350/02-50865/19/1 dt. 26.03.2019.

Bazuar në konstatimet e mësipërme, rregullativën ligjore në fuqi, konkretisht nenin 18 të Ligjit për Ndërtim Nr. 04/L-110 dt. 31.05.2012; nenin 21 të Ligjit për Planifikim Hapësinor Nr. 04/L-174 dt. 31.07.2013; nenin 13 pika 1.2 të UA të MMPH-së Nr.06/2017 dt. 23.05.2017 për përcaktimin e procedurave për përgatitjen dhe shqyrtimin e kërkesave për kushte ndërtimore, leje ndërtimore dhe leje rrërimi për kategorinë I-rë dhe II-të të ndërtimeve”, Drejtoria e Urbanizmit ka konstatuar se kërkuuesi ka prezantuar të gjithë dokumentacionin e nevojshëm, dhe se projekti konceptual i prezantuar, është në harmoni me destinimin dhe kriteret tjera të PZHU-së për atë hapësirë, si dhe në harmoni me rrethinën, andaj konstatohet se janë plotësuar të gjitha kriteret e parapara ligjore për caktimin e këtyre kushteve ndërtimore.

Nga sa u cek më lartë, u vendos si në dispozitiv të Vendimit për caktimin e kushteve ndërtimore.


Shtojcë: - Plani i situacionit - "Zgjidhja urbane", dhe
- Manuali gjeodezik për ndarje të parcelës nr.125-2 ZK Çagllavicë.

Udhëzim juridik: Pala e pakënaqur me këtë Vendim, me ankesë mund t'i drejtohet kësaj drejtorie brenda afatit prej 30 ditësh, duke llogaritur nga dita e marrjes në dorëzim të këtij Vendimi. Bazuar në vlerësimin nga kjo drejtori, ankesa do të shqyrtohet apo do të përcillet te organi epror – MMPH-ja.

I dërgohet: Kërkuuesit, Drejtorisë së Planifikimit Strategjik dhe Zhvillimit të Qëndrueshëm, Drejtorisë së Kadastrit, në dosje të lëndës, kësaj drejtorie, dhe Qendrës për shërbim me qytetarë.

DREJTORIA E URBANIZMIT E KOMUNËS SË PRISHTINËS
05 Nr. 350/02-50865/19 dt. 15.04.2019

Punoi:
Sh. Gorani



U.D. Udhëheqëse e sektorit,
Lindita Beqiri





Republika e Kosovës
Republika Kosova-Republic of Kosova
Qeveria - Vlada-Government

Ministria e Mjedisit dhe Planifikimit Hapësinor /Ministarstvo Sredine i Prostornog Planiranja/Ministry of Environment and Spatial Planning
AGJENCIA KADASTRALE E KOSOVËS/ KATASTARSKA AGENCIJA KOSOVA/ KOSOVA CADASTRAL AGENCY

Zyra kadastrale komunale / Opštinska katastarska kancelarija: Prishtinë

Nr. i njësisë kadastrale / Br. katastarske jedinice : 125-2

Zona kadastrale / Katastarska zona: Çagllavicë

Numri i lëndës / Broj predmeta: 2019

Lloji i njësisë kadastrale / Vrsta katastarske jedinice : Parcel



Shkalla e zvoglimit / Razmera plana 1: 1000

Lista e koordinatave, kodi dhe nënshkrimi i tyre / Lista koordinata, kod i njihov opis

Koordinatat e Pikave

1	7510899.74	4721704.19
2	7510885.67	4721716.32
3	7510886.55	4721717.55
4	7510891.99	4721725.15
5	7510906.06	4721713.01
6	7510893.48	4721718.57
7	7510879.36	4721707.50

Propozim per Ndarje



Rilevoi / Snimio: Muzafer.K. Mustafa
(emri dhe mbiemri i gjeodetit/kompanisë/ ime i prezime geodeta/ kompanije)

Aprovoi / Usvojio: _____
(emri dhe mbiemri i përsorit zyrtar/ ime i prezime sluzbenog lica)

Nr. i licencës / Br. licence: Lic NR :09

Nënshkrimi / Potpis:

Nënshkrimi / Potpis: _____

Data e rilevimit / Datum snimanja: 30.01.2019

Data e aprovimit / Datum usvajanja: _____



